



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Replica Ioan. Eckii Adversvs Scripta secunda Buceri
apostatæ super actis Ratisponæ**

Eck, Johannes

Ingolstadii, 1543

VD16 E 416

Epicurismus Lutherannorum.

urn:nbn:de:hbz:466:1-30106

nam eximie catena aurea se exornat, dum ad populum aduersus Papam impia dogmata declamat. Altaria tamen sic non fulgent, cum omni ornatu ac splendore sint spoliata, vel apud Capharnaitas altaria sunt funditus diruta. Hinc perpetua sunt apud eos conuiuia, comestiones quotidianæ, saltationes perpetuæ, vt suis scortillis salacibus legitimis morem gerant, & adeo quidemperate, vt nec sancto diei parasceues in magna & sancta septimana parcant. Proh hominū insolentiam plus quàm Barbaricam. Quod nisi lectoris rationem haberem, non esset mihi operosum huiusmodi per Bucero & complices citata, commodissime & vere in eos retorquere. At ne molestior sim lectori, deinceps studebo breuitati, cum nihil adferat Bucius, quod prius non destruximus in tribus disputationibus supra memoratis in Homilijs nostris, de tempore, de sanctis, de sacramētis, & decalogo. In libris nostris de primatu S. Petri, de poenitentia & eius partibus, de sacrificio missæ, de purgatorio, de non tollendis imaginibus, in confutatione disputationis Bernicæ. In Apologia contra Bucero, in Enchiridio & alijs scriptis nostris.

Bucero homo quietis impatiens, vt magnum ederet volumen, contra sanctorum implorationem excurrit nouus Vigilantius, ab ipso quoq; Hieronymo improbatus. Verum hæresim iugulauimus in Homilia Augustæ coram deo amabilissimo Imp. Carolo & ordinibus Imperij ac potentatum Oratoribus habita, & in Enchiridio ac disputationibus nostris, propterea hic transibimus. Calumnijs temere in vicarios Christi sparsis veh dicimus, cum fidefractus ille apostata nō sit dignus, cui respondeatur, hoc dumtaxat ei dicamus. Principi populi tui non maledices. Et ibi lud: Qui autem superbierit nolens obedire sacerdotis imperio, qui eo tempore ministrat domino deo tuo, ex decreto iudicis moriatur homo ille. Mentitur enim apertissime episcopus

Epicurismus Lutherorum.

ECKIANI libri.

Hierony. An. 1530.

Exod. 22
Deut. 17

episcopos potentiam contra ius & phas occupasse, cum Imperatorum, Regum, ac Principum (qui Christum in ministris suis honorarunt) munificentia, ac largissimis donationibus temporalia possideant. Nescit autem Bucerus iustum titulum esse possidendi donationem, de quo alias plura scripsimus, vt non opus sit omnibus iniurijs aduersus potestatem ecclesiasticam à Bucero hic impudenter effusis respondere.

Episcopi principes bb.3.

Opponit episcopis, q̄ omnem reprehensionem & admonitionem odiant: mirum quomodo bestia illa audeat hoc mouere, cum nullus sit ordo viuentium, qui magis odiat reprehēdi, quàm hæretici. Ita sunt feroculi, vt omnibus dicant, noli me tangere. Verum episcopi non dedignantur reprehendi per charitatem, quia sic vera iustitia compassionem habet, ait B. Greg. falsa vero iustitia dedignatio nem: & tota Homilia in superbientem ac ferocientem Bucerum conuenit.

Gregor.

Quàm vere autem affirmat hic Caiaphas: Regno mendacij omne verum exitiosum est. Ideo non mirum, cum hæresis sit regina in regno mendacij, q̄ omnes hæretici veritatem nec audire possunt, nec sustinere: præsertim si quis illorum licentiosas atq; effrenas libidines corripuerit: ita omni vi conantur suis hæresibus religionem opprimere, ac impietatem communire.

Hæretici odiunt ueritatem.

Simili mendacio asserit doctrinam euangelij à catholicis obscuratam, quæ tamen per hæreticos falsatur, corrumpitur & laceratur. Quod de recentibus dijs meminit, argumentum istud impius Porphyrius Christianis de Christo obiecit: rat nihil ad catholicos pertinet, qui Christum ab æterno dei filium, ex tempore hominem incarnatum, deum colunt, & sanctos non deos, sed dei amicos venerantur, sed alibi illa.

Falsum assumit euangelium siluisse, quia in omnem terram

bb.4.

C ram